

Mawrha yr Arglwydd, f'enaïd cân  
A llawenha'n wastadol;  
Fy Nuw, fy iachawdwriaeth rad;  
Fy Ngheidwad yn dragwyddol.

Edrych a wnaeth ar ddinod wedd  
Fy ngwaeledd, heb un dirmyg;  
Holl genedlaethau'r byd yn grwn  
A'm geilw'n wynfydedig.

Cans sanct, galluog yw Duw'r ne',  
Efe a wnaeth im fawredd;  
A'r rhai a'i hofnant o lwyr-fryd  
Yn hyfryd cânt drugaredd.

Darostwng wnaeth y beilchion rai,  
O'u heisteddfâu, fe'u tynnodd;  
Yr isel radd, â'i allu mawr,  
O lwch y llawr fe'u cododd.

Y tlawd newynog, Ef o'i fodd  
A'u llanwodd â bendithion;  
A'r rhai goludog, hwy ni chânt,  
Ac ymaith ânt yn weigion.

Cofio'i addewid wna yr lôn,  
Tra ffyddlon yw yr Arglwydd;  
Trugarog yw Efe, a'n porth,  
Ein cymorth yn dragywydd.

Y 'Magnificat' – mydryddiad Edmund T. Owen